



**Parc Adula:
Oz cun Leo Tuor**

Oz porta *La Quotidiana* in discurs che Willi Decurtins ha fatg cun l'adversari dal parc Leo Tuor.

3



**Poesias
da Tina Planta-Vital**

L'Uniun dals Grischs preschenta ina nova publicaziun da poesias da l'artista Tina Planta-Vital.

9

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



La lingia da tensiun aulta traversa il territori da Demvitz a Laax. El futur vegn quella transferida en in foss. Aunc ussa vegnan mo ils bischels vits mess el foss.

FOTO A. BEELI

La Axpo el Lag Sec a Laax

DAD AUGUSTIN BEELI / ANR

■ **Las lingias da tensiun aulta ein dapi varga 50 onns omnipresentas ella cuntrada grischuna. Naven dallas centralas da produziun transportan ellas l'energia giu la Bassa. Las novas lingias vegnan denton sut tiara. Quei camonda la lescha.** A Laax baghegia dapresent la vischnaunca ina via da colligiatiun naven dalla Casa Caltgera encunter il vitg. Quella via augmenta el futur considerablamein la segirtad dils pedunzs el contuorn dalla piazza da ballapei e dalla casa da hospis sur il stradun digl Alpsu. Dapi igl

uost ei l'interpresa da baghegiar fatschentada cun quei project. Parallel cun quel baghegia era il concern d'electricitad Axpo el medem liug. El futur vegn il current electric da tensiun aulta transportaus sut tiara tras cabels. Dapresent metta la Axpo otg bischels vits el foss e semtgua quels pil futur diever. Aunc uss eis ei denton investiziuns fetg caras. La nova strategia naziunala dalla reit d'electricitad promovava quei mied da transportar energia. Las petgas da tensiun aulta ein antiquadas, la reit sto ir ella tiara.

> PAGINA 5

Dumonda suenter l'elecziun da Trump

Politichers grischuns s'expriman davart la tscherna

DA FLURIN ANDRY / ANR

■ **Cun almain 289 electurs delegads che l'han dà la vusch ha batti Donald Trump sia concorrenta Hillary Clinton (218 electurs delegads). Il nov president dals Stadis Unids da l'America procura per discussiuns er en Grischun.** Cun ses triumf ha Donald Trump surprindi tuts, politichers, scienzias e citadins en l'USA ed era sin il rest dal mund. Quai conferman er ina politichera e trais politichers grischuns: La cussegliera naziunala *Silva Semadeni* da la ps, il cusseglier guvernativ *Jon Domenic Parolini* (pbd), il cusseglier dals chantuns e president da la pcd grischuna *Stefan Engler* ed il cusseglier naziunal *Martin Candinas* da la pcd han tradi a l'anr lur emprimas reacziuns, mesemna la damaun, cur ch'il resultat è vegni communitgà. Tuts quatter sa dumondan tge effects ch'i vegn a dar per ils Stadis Unids ed ils auters pajais dal mund sche Trump metta en pratica quai ch'el ha empermess (u smanat-schà) cun dir «l'emprim l'Ame-



L'elecziun da Donald Trump ha surprindi blera gliued sin tut il mund.

KEYSTONE

rica, ed alur il rest dal mund». I saja ussa da spetgar e guardar co ch'el ageschia, han ditg ils interrogads, «sch'el realisescha quest

'America first', alura ha quai se-giramain consequenzas per la politica globala ed era per l'economia svizra e grischuna, surtut

l'economia d'export inclusivamain il turissem.»

> PAGINA 2



Professiuns manualas na mancan er betg tar l'exposiziun che sa drizza cunzunt a giuvenils.

FOTO Y. BÜRKL

Exposiziun «Fiutscher»: Gist 150 professiuns

■ **(anr/gns) Ier è stada a Cuira l'avertura da la 4. ediziun da l'exposiziun professiunala «Fiutscher».** Per l'organisaziun segna danovamain l'Uniun grischuna d'artisanadi e mastergn e president dal comité d'organisaziun è *Rico Cioccarelli*. L'exposiziun ha lieu en la halla da la citad da Cuira e sin l'areal da la Higa.

A pled tar quella vegnan emprendists che sa chattan en lur scola-ziun da professiun ed intgins patrunzs che dattan gugent infurma-ziuns che pertutgan ina da las 150 professiuns che vegnan preschentadas anc fin dumengia proxima.

> PAGINA 2

Animals sco fotomodels

■ **(anr/sr) Tina Sturzenegger da Zug ei fotografa da professiun e specialisada da fotografar portrets e vivonda.** Ella careza da portretar ils pli differents carstgauns en lur ambient e fotografescha era cun fascina-ziun animals. Per sia seria «Flower and Love» ha ella inscenu alpacs, cavals, nuorsas e tschuts. Per realisar ina part da quels portrets eis ella serendida a Dardin. Leu ella stalla dil pur

da Schlans, *Silvio Pfister*, ha ella mess en scena nuorsas e tschuts. Bugen havess Sturzenegger era fotografau il cagniel dil pur, mo quel ei sehans in quex da star model e perquei savein nus era buca presentar fotografias dad el. Ils auters animals fotografai fan denton la paretta da «topmodel» ed han ina expressiun fascinonta.

> PAGINA 7



Per la seria «Flower and Love» ha la fotografa Tina Sturzenegger mess en scena nuorsas ed auters animals.

FOTO T. STURZENEGGER

Visita dal capo aint illas fracziuns

■ **(anr/bcs) D'incuort han gnü lö inscunters dal capo da Scuol Christian Fanzun cun la popula-ziun da las ses fracziuns dal cumün fusiunà.** Blers abitants han l'impreschiun cha la fusiun saja statta üna buna soluziun. Il capo ha orientà davart las lavuors chi ston amo gnir fattas per cha'l cumün grond possa disponer in futur da ledschas e reglamaints per tuot las gestiuns e ressorts e chi correspuondan a las ledschas

superiuras. Ils preschaints a l'inscunter a Tarasp han eir gnü la pussibilità da far dumondas ed objecziuns e da far udir lur pissers per lur fracziun. Als abitants da Tarasp occupa la dumonda che chi capita cun las localitats da scoula, cun la butia e cul Hotel Tarasp. Blers progets ed ideas ston gnir spostats pervia da la situa-ziun finanziala dal cumün grond.

> PAGINA 9



Il capo da Scuol Christian Fanzun ha visità il Chastè da Tarasp.

FOTO B. STECHER



Servetsch d'abunents e da distribuziun: tel. 0844 226 226 mail: abo@somedia.ch